



Broj: 02-1-11-8240-10/23
Zenica, 09.10.2023. godine

Na osnovu člana 69. stav (3) Zakona o javnim nabavkama („Službeni glasnik BiH“, broj: 39/14 i 59/22), člana 5. stav 2. Uredbe o Stručnoj službi Vlade Zeničko-dobojskog kantona („Službene novine Zeničko-dobojskog kantona“, broj: 13/06) i Odluke o Planu javnih nabavki Stručne službe Vlade Zeničko-dobojskog kantona za 2023. godinu (april – decembar), broj: 02-1-11-4362/23 od 21.03.2023. godine i broj: 02-1-11-4362-1/23 od 02.06.2023. godine, sekretar Vlade, rukovodilac Stručne službe Vlade Zeničko-dobojskog kantona, donosi

ODLUKU

o otkazivanju postupka javne nabavke Nabavke usluge organizovanja i realizacije obuke „Tumačenje standarda – „Upravljanje rizicima prema normi međunarodnog standarda ISO 9001:2015“

Član 1.

Otkazuje se pokrenuti postupak Nabavke usluge organizovanja i realizacije obuke „Tumačenje standarda – „Upravljanje rizicima prema normi međunarodnog standarda ISO 9001:2015“ putem postupka direktnog sporazuma pokrenutog donošenjem Rješenja o imenovanju komisije broj: 02-1-11-8240/23 od 15.09.2023. godine i dostavljanjem pozivnog pisma na adrese tri potencijalna ponuđača u septembru 2023. godine.

Član 2.

Pokrenuti postupak Nabavke usluge organizovanja i realizacije obuke „Tumačenje standarda – „Upravljanje rizicima prema normi međunarodnog standarda ISO 9001:2015“ putem direktnog sporazuma otkazuje se zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Član 3.

Postupak se otkazuje zbog nemogućnosti realizacije obuke u roku koji je definiran pozivnim pismom od strane ugovornog organa (do 20.10.2023. godine) zbog privremenih kadrovskih poteškoća u Odjeljenju upravljanja kvalitetom zbog bolesti rukovodećeg državnog službenika, te što su prilikom provođenja postupka nabavke načinjeni propusti u dokumentima koji čine spis ovog predmeta (nedovoljno precizirani zahtjevi u tehničkoj specifikaciji javne nabavke, neadekvatan obrazac za cijenu ponude, pogreške u datiranju akata, nedostajući nacrt ugovora i slično).

Član 4.

Zadužuje se sekretar Komisije da Odluku objavi na internet stranici www.zdk.ba istovremeno sa dostavljanjem ove odluke ponuđačima koji su učestvovali u postupku javne nabavke.

Član 5.

Shodno odredbama člana 101. stav (6) Zakona o javnim nabavkama („Službeni glasnik BiH“, broj: 39/14 i 59/22), u postupku direktnog sporazuma, po kome je pokrenut postupak Nabavke usluge organizovanja i realizacije obuke „Tumačenje standarda – „Upravljanje rizicima prema normi međunarodnog standarda ISO 9001:2015“ i koji se otkazuje, žalba nije dopuštena.

Obrazloženje

U tabelarnom pregledu Plana javnih nabavki Stručne službe Vlade Zeničko-dobojskog kantona za 2023. godinu (april – decembar) donesenom Odlukom broj: 02-1-11-4362/23 od 21.03.2023. godine i broj: 02-1-11-4362-1/23 od 02.06.2023. godine, pod rednim brojem 4. predviđena je: „Nabavka usluge organizovanja i realizacije Obuke: Tumačenje standarda. „Upravljanje rizicima“ putem direktnog sporazuma, procijenjena vrijednost 6.000,00 KM, sa predviđenom obavezom zaključenja ugovora o realizaciji navedene usluge, a kao predviđeni period trajanja ugovora navedeno je „Do izvršenja ugovorene obaveze“.

Shodno odredbama Pravilnika o organizaciji i efikasnom vršenju nabavne funkcije u Stručnoj službi Vlade Zeničko-dobojskog kantona broj: 02-1-02-18292/22 od 12.12.2022. godine imenovana je Komisije za provođenje postupka javne nabavke putem direktnog sporazuma Rješenjem broj: 02-1-11-8240/23 doneseno je 15.09.2023. godine i upućena su pozivna pisma na adrese tri potencijalna ponuđača (TUV Croatia d.o.o. TUV NORD GROUP Sarajevo, TUVADRIA d.o.o. Sarajevo i INSTITUT KVALITETA-INSTALING d.o.o. Banja Luka, sa krajnjim rokom za dostavu ponuda do 28.09.2023. godine. Do roka naznačenog u pozivnom pismu ponude su dostavili TUVADRIA d.o.o. Sarajevo i INSTITUT KVALITETA-INSTALING d.o.o. Banja Luka, a pozivno pismo upućeno TUV Croatia d.o.o. TUV NORD GROUP Sarajevo vraćeno je neuručeno jer je primalac odselio, a nova adresa nepoznata, što je komisija konstatirala u svom zapisniku broj:02-1-11-8240-9/23 od 04.10.2023. godine.

Iako je Komisija pristupila otvaranju i ocjeni ponuda dana 04.10.2023. godine, imajući u vidu da je predsjedavajući Komisije i rukovodilac Odjeljenja upravljanja kvalitetom za čije potrebe se provodi postupak javne nabavke i koje treba da organizacijski i tehnički podrži realizaciju obuke i procijeni da ponuđena obuka i njena realizacija zadovoljava svrhu radi koje se organizira, te da predstavlja adekvatnu razmjenu kvaliteta usluge za novac koji se izdvaja iz budžeta za tu namjenu, otvorio bolovanje, da je neizvjesno kada će se vratiti na posao, kao i da su naknadno uočene greške u dokumentima koji čine spis ovog predmeta (nedovoljno precizirani zahtjevi u tehničkoj specifikaciji javne nabavke, neadekvatan obrazac za cijenu ponude, pogreške u datiranju akata, nedostajući nacrt ugovora i slično), kao i nemogućnost realizacije obuke u roku koji je definiran pozivnim pismom od strane ugovornog organa, odnosno do 20.10.2023. godine, zbog navedenih kadrovskih poteškoća, donesena je odluka o otkazivanju postupka nabavke.

Po sticanju kadrovskih uslova da se obuka realizira od strane Odjeljenja upravljanja kvalitetom, pozivna pisma za nabavku navedene usluge u novom terminu za realizaciju obuke bit će dostavljena i pravnim licima koja su dostavila ponude u postupku koji se otkazuje.

Shodno navedenom, odlučeno je kao u dispozitivu ove odluke.

Shodno odredbama člana 101. stav (6) Zakona o javnim nabavkama („Službeni glasnik BiH“, broj: 39/14 i 59/22), u postupku direktnog sporazuma, po kome je pokrenut postupak Nabavke usluge organizovanja i realizacije obuke „Tumačenje standarda – „Upravljanje rizicima prema normi međunarodnog standarda ISO 9001:2015“ i koji se otkazuje, žalba nije dopuštena.

Dostavljeno:

- 1x Članovima Komisije,
- 1x Odjeljenju upravljanja kvalitetom,
- 1x Ponuđačima,
- 1x web stranica www.zdk.ba,
- 1x a/a.



SEKRETAR VLADE

Nedžad Mulagić

